

■左起：劉秀樺、鍾柔美與
劉沛蘅分享理財心得。

2024年9月23日

有傳炎明熹
(Gigi) 不肯續約而遭無綫
雪藏，原本她宣傳的活動，已改由好
友鍾柔美 (Yumi) 頂替出席！Yumi 表示事前
不知情，亦不擔心會影響與Gigi的友誼，雖然
最近她忙上學及工作而少聯絡對方，但兩人的
心永遠連在一起！

返學又拍劇 冇覺好劇

頂替 Gigi 工作

影響友誼

Yumi 唔驚

■甘比迷
上鈎織。



陳凱韻 (甘比) 與女兒劉秀樺、Yumi、劉沛蘅 (Hillary)、男團 ROVER 等前晚到沙田出席活動。Yumi 最近忙拍無綫新劇《特勤女團》，對於經常晚上拍戲又要一早返學，她坦言有少少辛苦，試過連續三日只睡三四小時，不過劇組很貼心，會遷就她的時間，故此延至11月才拍完。

提到好友 Gigi 早前與 Hillary 和 ROVER 曾為此活動拍宣傳廣告，但現在由她頂替 Gigi，Yumi 表示不知此事，指公司最近才決定叫她出席活動。問到是否取代 Gigi？Yumi 說：「唔會，我哋個心係永遠連住，亦唔覺得尷尬，但都有睇睇我哋嘅演唱會，大家友誼不變。」但她承認近日忙上學和拍劇，很少聯絡 Gigi。

Yumi 早前擔任港姐競選表演嘉賓，被網民讚靚過一眾港姐，指她參選必定奪冠。她笑言小時候想過選港姐，但因喜歡唱歌而參加《聲夢傳奇》。對於被指靚過港姐，

她謙稱各有各美，並笑言對自己要求很高，不滿自己面大和鼻大，最鍾意自己眼大和嘴細。

甘比讚古天樂有鈎織天分

甘比表示現在以鈎織減壓，笑指身上的衣服都是自己鈎出來。她笑言在社交平台拍片分享鈎織成果，是想以鬼馬方式引起大眾對鈎織的興趣，又指古天樂曾跟她學習鈎織：「佢好叻，好快就學識，仲鈎過一個袋，只係冇分享畀大家睇，佢都有諗過自己鈎到。」問到古天樂將作品送給誰？她即保持神秘稱不告訴大家。提到早前她為一個網上頻道拍片，甘比說：「希望大家睇完會開心，唔好笑我就得。（多啲做幕前？）冇諗過。」

■鍾柔美既返學又拍劇，忙到冇覺好劇。

想買鑽石耳環 洪嘉豪搵人夾份

歌手洪嘉豪與 Serrini 昨日到啟德出席珠寶故事展活動，嘉豪受訪時自爆睇中一對價值數萬元的鑽石耳環：「暫時唔捨得買，考慮開完騷買嚟獎勵自己，自己唔鍾意戴同款耳環，所以提議同好友陳蕾夾份買，每人分一隻，但佢叫我唔好傻。（驚同你戴情侶耳環？）佢應該覺得我搵佢笨，識呢啲朋友真係好，等我可以諗清楚先買。」問到可有試過送鑽石給女孩？他笑言未試過：「其實都好耐冇送過禮物畀媽咪，我成日都話鑽石與黃金，都不及我一片真誠與真心。」

昨日大批粉絲到場支持嘉豪，問到有冇收過粉絲送的鑽飾？他坦言不想粉絲破費：「佢哋平時買演唱會飛、CD 已經好大支出，無條件支持已經係最好禮物，所以我叫佢哋唔好送禮物。」並指粉絲現時改送零食或手作小禮物給他。



■洪嘉豪與 Serrini 示範以聲音導航分享珠寶的故事。

黃浩然暑假開工被囡囡詐型

黃浩然昨日到尖沙咀出席「聯合國兒童基金會慈善跑」記者會，他透露屆時與兩個兒子一起「親子跑」，培養他們做善事的習慣：「我成日同佢哋講，比起其他地方嘅小朋友，佢哋好幸福，要感恩擁有嘅嘢。」他透露早前拍新劇飾演凸胸中佬，要增肥20磅，劇集月初煞科，現已減了10磅，希望減多15磅：「呢排天氣熱，跑番步都好辛苦，希望可以做到有肚臍，但係想塊面圓潤啲，睇落唔好太瘦。」他指近期主要陪伴家人，因整個暑假都要拍劇，被兩個兒子詐型。



■黃浩然呻增肥容易減肥難。

陳貝兒高溫拍攝險中暑



■陳貝兒高溫下不停飲水補充水分。

由陳貝兒主持的無綫節目《無窮之路IV——一帶一路》將於10月6日首播，她透露於沙特阿拉伯拍攝當地盛事「麥加朝聖」期間，氣溫一度高達逾50度，導致現場千多人熱死，她說：「我哋不停流汗，熱到暈咁滯，基本上係有瀕臨中暑嘅徵狀，加上拍攝朝聖嗰日現場人逼人，我又着住黑袍，確係熱上加熱，我成身係濕晒。好彩有個好友善嘅穆斯林，佢喺我臉上噴水，同埋畀啲糖我。我哋啲攝影機 roll 唔夠分零兩分鐘，都已經全部 overheat down 機！」